

Minnesota Department of Health

Ntaub ntawv qhia txog kev siv tshuaj ua kev phem

12/5/2005

Glanders

Glanders yog dabtsi?

Glanders yog ib hom kab mob los ntawm tej phaj nyaj. Feem ntau tus kab mob no ua rau cov tsiaj xws li nees, menyuam nees thiab lwm yam nees kom mob, tiamsis kuj tau pom tus kab mob no ua rau tej tsiaj xws li mes es



Nyob li ib txwm, tus kab mob glanders no tsuas yog tej tsiaj xws li nees, menyuam nees lossis lwm yam nees mob xwb.

(goats), aub, thiab miv los puav leej mob thiab. Hom kab mob glanders no tibneeg mob tsawg kawg kias-txij puag thaum xyoo 1945 los txog tav no, tsis tau muaj neeg

muaj hom kab mob no li hauv tebchaws Mekas no. Tiamsis tibneeg mob tau yog tias lawv kov cov tsiaj uas mob lawm. Kuj tseem txhawj tias tsam muaj neeg phem siv tus kab mob glander no los ua kom neeg mob—los ntawm kev uas tso cov pa mob no rau saum tej cua, lossis los ntawm kev ua kom neeg raug tej yam uas muaj kab mob lawm.

Nyob ntawm seb tej neeg kis tus mob no los li cas, tus kab mob glanders no ua tau rau kom neeg mob tsis sib thooj. Cov kev mob muaj xws li:

- Ua cov nqaij mob tej thaj thaum qhov nqaij to lossis raug khawb
- Mob ntsws (pneumonia) thiab lwm hom kev mob ntsws
- Ua phaj nyaj rau yus cov ntshav, uas yog yam kab mob glanders uas phem tshaj plaws.

- Ua kev mob mus ntev rau yus ib ce xws li-tej tes thiab taw, tus po (spleen), thiab lub siab (liver).

Lwm yam uas tus kab mob glanders ua tau rau yus mob yog ua npaws, tej nqaij mob, hauv siab mob, ua rau tej nqaij nruj nruj, mob taub hau, kua muag los, tshav ntuj/teeb ci ua rau yus tiv tsis taus, thiab lawv plab.

Yog koj nqus tau cov pa glanders lawm, koj yuav pib mob li 10 rau 14 hnuv. Kev nqus tau cov pa phaj nyaj no feem ntau yog qhov uas yuav ua rau neeg kis tau tus kab mob glanders no. Qhov no yog ib qho uas luag siv los ua kom neeg mob thaum muaj kev tawm tsam.

Hom kab mob glanders no yog ib hom mob uas phem tshaj plaws, thiab yuav ua tau rau yus tuag tau yog tias tsis kho. Yog cov phaj nyaj glanders no kis tau rau yus cov ntsha lawm, qhov no yog yam uas phem tshaj plaws.

Ua li cas koj thiaj kis tau tus kab mob no?

Thaum neeg kis tau tus kab mob glanders no ntawm tej tsiaj los, tus phaj nyaj no muaj peev xwm nkag tau rau yus lub cev los ntawm kev uas nkag raug hauv yus cov nqaij, qhov muag thiab qhov ntswg. Yav tag los, cov neeg uas mob li no yog cov uas kho tsiaj, cov neeg uas ua haujlwm nrog nees, thiab cov neeg uas ua haujlwm hauv chav kuaj (lab). Tiamsis txij li xyoo 1940 los txog tamsim no hauv tebchaw Mekas no, tsis tau muaj neeg mob li. Tus kab mob no tseem pom muaj nyob rau tej tsiaj hauv tebchaws Africa, EsXia, Middle East, Nrub Nram tebchaw Mekas (Central America) thiab qab teb Mekas (South America).



Communications Office
625 North Robert Street
PO Box 64975
St. Paul, MN 55164-0975
(651) 201-4989
www.health.state.mn.us

Glanders – Nplooj 2

Txawm thaum pom tau tias tej tsiaj mob tus kab mob glanders no lawm los, kev uas tsiaj txu yuav kis tau tus kab mob no rau tibneeg mas tsawg kawg. Tiamsis, muaj ntawv povthawj qhia tias, yuav kis tau tus phaj nyaj no zoo tshaj yog tias yus nqus tau cov pa lawm–yog tias muaj neeg tso tej tshuaj no rau saum cua kom yus nqus tau.

Kuv kis puas tau ntawm lwm tus los?

Muaj qee zaus tibneeg sib kis tus kab mob glanders no los tau. Cov kev sib kis no yog los ntawm kev sib deev, lossis kev uas tu ib tug neeg mob hauv yus tsev neeg.

Vim li cas thiaj xav tias tsam lawv siv los ua tsov rog

Kev uas txhob txwm tso tus phaj nyaj glanders no rau saum tej cua kom neeg nqus tau yog ib qhov uas yooj yim heev ua kom neeg mob. Qhov ntawd yuav ua rau kom cov neeg mob nyhav –uas tuag tau.

Ntseeg tau lawm hais tias, thaum tsov rog ntiajteb zaum I, lawv siv tej kab mob glanders no kom tej nees thiab nees me uas cov tub rog siv mob. Nyob rau thaum Tsov Rog Ntiajteb zaum II, lawv siv tus kab mob glanders no los ua kom tej nees, tej pejxeem, thiab tej neeg raug txim mob. Lawv kuj rov siv dua rau tej nees lub sijhawm uas Lav Xias (Soviet Union) ua rog nrog rau Afghanistan.

Yog thaum tsis muaj tsiaj muaj tus kab mob no es muaj tibneeg mob lawm no, qhov no qhia tau tias tej zaum muaj neeg phem siv tej no los ua tsov rog lawm.

Hom kab mob glanders no kho puas tau?

Vim tias tibneeg mob tus kab mob no tsawg kawg li, tsis muaj ntaub ntawv txaus qhia txog tias yuav kho li cas thiab cov kev kho ntawd puas yuav pab tau. Tiamsis zoo li muaj tshuaj tiv thaiv tua kab mob (antibiotics) uas kho tau tus kab mob glanders no. Tej zaum yuav tau kho mus kom ntev.

Tiv thaiv kom tsis txhob mob tus kab mob glanders puas tau?

Tsis muaj tshuaj xav rau hom kab mob glanders no. Tibneeg tiv thaiv lawv tus kheej kom tsis txhob mob los ntawm kev uas tsis txhob mus kis tej kab mob no ntawm tsiaj los. Yog tias thaum twg neeg mob tus kab mob no lawm, yuav tsum tau tswj kom tsis txhob pub kis rau lwm tus hauv chav kho mob.

Kuv yuav ua li cas yog kuv xav tias kuv mob tus kab mob glanders no lawm?

Yeej paub tsis meej tias seb koj puas tau kis kab mob. Tiamsis yog tias koj txhawj xeeb txog tej no, koj yuav tsum tau mus ntsib koj tus kws kho mob tamsid. Yog koj pom tej yam txawv txawv hauv cheeb tsam chaw koj nyob–suav tag nrho kev siv kab mob los ua tsov rog no–qhia rau cov tub ceeb xwm hauv koj lub zos.